

2945

LITURGICI

2946

Celsus. *Sanblasianus* Abbas *Mart. Gerbertus* T. II. 1784. p. 79. cum *Praef. ad Piligrinum* Archiep. Colon. et *Prooemio*, quae etiam e *Codd. Tegernseensi* et *Mellic.* partim jam a Cl. *Pezio* T. IV. *Thef. Anecd.* P. 2. col. 69. producta in *Cod.* nostro desiderantur, qui statim sic incipit: *Autenticus protus constat ex prima specie diapente et ex prima specie diatesseron superius. Nonanoeane. Primum querite regnum dei. Differentia Prima. Seculorum Amen. Lychanos ypaton. Antiph. Ecce nomen domini. Ant. Angelus domini nuntiavit. Ant. In tuo aduentu erue &c.* Dolendum sane, doctissimum Editorem hujus *Cod.* notitia destitutum eum cum suis conferre non potuisse; cum enim in *Edit.* vix 6. folia conficiat, in *Cod.* ob exemplorum adlatorum abundantiam foliis 21. definitur. Librarius porro membranae parvus cum ad oram inferiorem, tum ad alia spatia vacua adjecit 1°. *Lectionem de Vinculis B. Petri*, cujus autorem ignoro; incipit vero: *In diebus illis misit herodes rex manus — Quemadmodum sanctus petrus in carcerem missus sit ligatus duabus catenis — audiuit per ordinem dilectio uestra &c.* et finit: *et remunerationem vite perpetue consequamur. Per dominum nostrum &c.* 2°. Narrationem fabulosam de *Andrea* Apost. *Mattbaeum* Apost. e carcere urbis *Mermidoniae* liberante et populos convertente hujus initii: *Igitur post illum dominice ascensionis nobilem gloriosumque triumphum &c.* 3°.

*Catalogum Pontificum Rom.* admodum mendosum usque ad *Benedictum*, qui VIII. est, cum ei addatur: *Qui ordinavit papenbergense cenobium. IIII. Non. ian. 4°.* Dicta S. *Hieronymo* subposita, cur Horae canonicae cantentur. 5° demum *Missam in O8. Sancti Jobannis Bapt. &c.*

IV. fol. 78. p. 2. Incipit *epistola bern (onis) augensis monasterii abbatis Ad arbonem (Aribonem) magontium archiepiscopum. de eo qualiter aduentus domini hoc anno celebrari debeat. quando natiuitas domini II. feria euenerit. Initium: Summe dignitatis apice sublimato ariboni archiepiscopo per quem in area domini &c.* Indicata jam *Cod. DCCXCIII.* legitur impressa in *Pezii Thef. Anecd. T. IV. P. 2. col. 39.* In praesenti vero *Cod.* ultima, quae legi possunt, verba sunt: *Quocienscumque natalis domini in II. feria uelut in presenti — —. Ulteriora penitus extrita.*

DCCCXIV.

Codex membraneus lat. Sec. 123 XIV. Folior. 181. f. per duas columnas caractere crasso scriptus, et auro coloribusque picturatus est *Liber Missalis* nulli, ut videtur, Ecclesiae peculiariter proprius. A *Dominica prima Adventus* decurrit usque ad *Festum Corporis Christi*; tum sequuntur *Gloria, Credo, Offertorium, Canon*, cui elegans *Crucifixi* Servatoris icon praemittitur, et in quo post *Papam* et *Antistitem* etiam

E e 3

pro

2947

C O D I C E S

2948

pro *Rege* fit oratio, et reliqua usque ad Sacrificii finem. Postea resumitur *ordo anni* usque ad *Adventum*, succedunt *Missae propriae* et *communes de Sanctis*, quae frequentissime rhythmicas habent *Sequentias*, *Orationes* pro variis necessitatibus, demum *Obsequium Defunctorum*. Oblatio panis et vini, ea item, quae Sacerdos in mysteriorum sumtione precatur, multum ab hodie receptis differunt. *Missae in Conceptione beate Marie virginis* Orationes hae sunt: *Deus qui beatam annam matrem genitricis tue fieri voluisti, presta quesumus, ut apud te meritis utriusque matris et filie caelestia gaudia consequamur &c.* *Presentibus sacrificijs quesumus domine intende propicius, ut intercessione beate anne que mater est matris tue. deuotioni nostrae proficiant et saluti. &c.* *Celestibus sacramentis et diuinis epulis vegetati quesumus domine deus noster. ut intercedente beata anna quam matrem esse matris tue confitemur. ad eternam mereamur pertingere consolacionem et pacem &c.*

DCCCXV.

- 38 Codex membranaceus lat. Sec. XIV. expirantis Folior. 216. f. max. literis initialibus, pluribus item marginibus coloribus et auro speciosis est liber liturgicus seu *Missale* ab *Adventu*, ut solet,

exordians. Post *Festum Corporis Christi* insertus est *Ordo Missae*, quem reliqua de *Tempore Officia* excipiunt usque ad *Adventum*. Sequuntur *Festa Sanctorum*, *Missae de Communi*, et alia, quae in hodiernis *Missalibus* habentur. *Fol. 98. pag. aversa* in *Hymno Lauda Sion &c.* pro *quantum potes, tantum aude* legitur *tantum gaude*, et non incongrue *Quod non sapis, quod non vides, pro quod non capis.* *Fol. 99.* *Cantus angelicus Gloria in excelsis &c.* duplex occurrit, alter immixtis *Deiparae* laudibus. In *Canone* oratur etiam pro *Rege*, sed post *Hostiae fractionem* variae preces insertae sunt, quae hodie exolevere. *Fol. 150.* in *Festo Cathedrae S. Petri* Oratio sic incipit: *Deus qui beato petro apostolo tuo collatis clavibus regni caelestis animas ligandi atque solvendi pontificium tradidisti.* *Missae de S. Sixto* *Papa* ad diem VIII. Id. Aug. *fol. 170.* *Benedictio Uve* recentis inserta est. Denique cum *Festa S. Valentini*, *eiusque translationis*, *Inventionis S. Stephani* et *Nicolai* peculiari solennitate, id est, cum *Sequentiis* post *Epistolas*, celebrentur, recte inferas, *Codicem* hunc usibus *Dioeceseos Pataviensis* deservisse; id quod manifestius evincit *Sequentia Missae S. Valentini* *fol. 145.* ubi legis:

*Gaudet celum inclita  
Presulis ex anima*

*Terra*